

**Nihánj me 'o yanj cartá qui'yaj
 síí cu'naj Pabló ca'néé so'
 rihaan nij yuvii₂ nocó₃ man
 Diose₄ yanj chuman' cu'naj
 Tesalónica a**

¹ Síí cu'naj Pabló do', síí cu'naj Silvano do', síí cu'naj Timoteo do', me nuj, ne tu'va taran' nuj avii 'yaj nuj yanj nihánj ca'nej nuj rihaan nij soj sij yanj chuman' cu'naj Tesalónica sij nocó₃ man Rej ní¹ Diose do', man Jesucristó sij 'nij ra'a man ní¹ do' a. Me rá nuj qui'yaj ndo'o Diose se lu₂j che'é soj, ne me rá nuj gaa₂ xe₂j nimán soj, qui'yaj Diose a.

*Nanq nihánj taj xna'anj se vaa nij síí cuchumán
 rá ni'yaj man Jesucristó yanj chuman' cu'naj
 Tesalónica ro', sa' uxrá nocó₃ nij so' man Diose
 a*

² Niganj nago' nuj graciá rihaan Diose che'é cunudanj soj, ne gaa achiín ni'yaj nuj rihaan Rej ní¹ Diose, ne achiín ni'yaj ndo'o nuj che'é taran' nij soj ei. Dan me se yo'o³ nuû rá nuj se vaa qui'yaj suun ndo'o soj che'é se amán rá soj ni'yaj soj man Jesucristó, ne caran' rá soj ni'yaj soj man so', ne nuû rá nuj se vaa ne'en soj se vaa cavii₂ sa' soj qui'yaj Jesucristó sij 'nij ra'a man ní¹ vaa güii, ne che'é dan yo'o³ a'néé nimán soj qui'yaj suun soj che'é so' adonj. ⁴ Dan me se 'ee rá Diose man soj, tinuj, nocoj. Ne ne'en nuj se vaa narii Diose man soj canocó₃ soj man so' adonj.

5 'Q se cuno soj nanā sa' nanā nata' núj rihaan soj, nē ne cuno rma'ān soj nanā yo' ma'. Dan me se gaa cuno soj nanā yo', nē yūun che'ē guun yā rá soj se vaa nanā yā me yo', nē guun nucuaj ndo'o soj canoco' soj nū' nanā yo' ei. 'Q se Nimán Diose ne gā soj ei. 'Q se gaa cane núj gā soj, nē quene'en soj daj qui'yaj núj che'ē se me rá núj cavij sa' soj a.

6 Nē ase qui'yaj gueē núj do', ase 'yaj gueē síí 'nij ra'a man ní' do', danj qui'yaj gueē soj chuguanj. Dan me se ndā' se quiran' soj sayuun qui'yaj nij yuvij ne amán rá ni'yaj man Jesucristó, tzaj nē yo'o canoco' soj se-nanā Diose, nē guun niha' rá soj, qui'yaj Nimán Diose adonj. **7** Nē cunudanj nij yuvij nocō' man Diose mān estadó Macedonia do', mān estadó Acaya do', xcaj nij so' cuentá che'ē se vaa qui'yaj soj, nē danj qui'yaj gueē nij so' uún ei.

8 Dan me se aj cuno ndo'o yuvij se-nanā síí 'nij ra'a man ní', qui'yaj soj, nē dan me se nuveé inānj nij yuvij mān estadó Macedonia do', nij yuvij mān estadó Acaya do', me yuvij cuno nanā se vaa amán rá soj ni'yaj soj man Diose ma'. 'Q se yuvij mān rihaan nū' cachrā' chumij me yuvij cuno nanā yo' nānj adonj. Che'ē dan me taj che'ē cataj xna'anj núj rihaan nij yuvij che'ē se vaa qui'yaj soj ma'.

9 Ma'ān nij yuvij taj xna'anj rihaan tuvi' nij so' se vaa ve'é uxrá ca'mii soj gā núj gaa cayáán núj gā soj, nē taj xna'anj nij so' se vaa tanáj soj ya'anj canoco' soj gaa rque, ne dan me se chruun cacój soj do', yahij cacój soj do', me nij ya'anj yo', nē yaj me se canicaj soj canoco' soj man Diose síí vaa i'nā' yā ya, **10** nē na'vij soj ca'nā' uún ma'ān Jesucristó ta'níí Diose rej xta' a. Nē Jesucristó ro', me síí cunuu i'nā' yā uún qui'yaj Diose gaa cavi'

so', ne tinanii Jesucristó man ní' rihaan sayuun asa^l quisíj güii caxrⁱⁱ yuv^{aq}á Diose^l man nij síí tumé cacun' ne qui'yaj Diose^l sayuun man nij so' ei.

2

Nan^a nihánj taj xna'anj se vaa ve'é tucu'yón síí cu'naj Pabló se-nan^a Diose^l nan^a sa' rihaan nij síí cuchumán rá ni'yaj man Jesucristó yan^j chuman' cu'naj Tesalónica a

¹ Ne'en ma'an soj se vaa cavii sa' suun qui'yaj suun nuj gaa cayáán nuj ga soj, tinuj, nocoj. ² Dan me se asino yaqan quiran' nuj sayuun chuman' Filipos, ne nachri' ndo'o nij síí man chuman' yo' ni'yaj nij so' man nuj, tzaj ne che'é se sij noc^o man Diose^l me nuj, che'é dan nda^l se sayuun ndo'o vaa nata' nuj se-nan^a Diose^l nan^a sa' rihaan soj qui'yaj nij síí man chiháán soj, tzaj ne ne cuchu'vij nuj ma'. Tananj ca'néé nimán nuj nata^l nuj doj nana^a sa' rihaan soj a.

³ Vaa che'é a'mii natáj nuj se-nan^a Diose^l rihaan soj, ne dan me se nuveé sij noc^o tucuáán ne me nuj ma'. Ne quij vaa nimán nuj ma'. Nuveé sij tiha' yu'unj man yuv^{ij} me nuj ma'. ⁴ Q se guun nucuaj rá Diose^l man nuj, ne ca'ne' so' suun rihaan nuj nata^l nuj se-nan^a so' nan^a sa', ne dan j'yaj guee nuj adonj. Ne uun rá nuj se vaa cataj yuv^{ij} se vaa ve'é 'yaj nuj ma'. Maan se me rá nuj guun niha' rá Diose^l ni'yaj Diose^l man nuj, ne che'é dan 'yaj suun nuj che'é Diose^l, ne Diose^l me síí acaj cuentá che'é nuj daj vaa nimán nuj adonj. ⁵ Ne'en soj do^l, ne'en ma'an Diose^l do^l, se vaa ne ca'mij ya'an ndo'o nuj ga soj che'é rej ca'vee ca'nee nuj sa'anj man soj

ma'. ⁶ Ne guun rá núj cataj soj do', cataj yo'ó yuvii do', se vaa ve'é 'yaj núj ma'. Nda' se Jesucristó me síi cune' man núj guun núj apóstol nata' se-nanq so', tzaj ne ne cachinj núj rasuun rihaan soj ma'.

⁷ Tananq ase 'yaj nij chanaq gá ta'níi chanaq ro', dñanj qui'yaj núj gá soj gaa cayáán núj gá soj, ne ve'é inanq qui'yaj núj gá soj adonj. ⁸ Dan me se cunuu 'ee rá núj man soj, ne che'é dan nuveé inanq se-nanq Diose me se vaa rqué núj man soj ma'. Rqué núj se-nanq Diose man soj, ne yo'o ca'néé nimán núj qui'yaj suun núj che'é soj uún adonj. ⁹ Dan me se ne'en soj se vaa nuviji nigan' 'yaj suun núj, gaa ne ri' núj sa'anj, ne ránj ma'qan núj se chá núj, ne ne ca'vej rá núj ca'néé núj se chá man soj, man tinuj, man nocoj. Dñanj inanq qui'yaj núj gaa ca'mii natáj núj se-nanq Diose nanaq sa' rihaan soj adonj.

¹⁰ Quene'en ma'an soj do', quene'en Diose do', se vaa sij nicá nimán me núj rihaan soj sij amán rá ni'yaj man Diose, ne dan me se qui'yaj núj inanq se me rá Diose qui'yaj núj, ne ne qui'yaj núj cacun' a ma'. ¹¹ Ne'en soj se vaa ase vaa 'yaj snó'o gá ta'níi snó'o ro', dñanj vaa qui'yaj núj gá 'o 'o nij soj, ne dan me se guun nucuaj nimán soj, qui'yaj núj, ne narqué núj chrej nucuaj man soj ¹² se vaa qui'yaj soj se vaa no xcúún soj qui'yaj soj che'é se narii Diose man soj canq soj gá Diose güii guun chij Diose rihaan chumij nihánj, ne ve'é ndo'o cumaq soj gá Diose a.

Nanq nihánj taj xna'anj se vaa nij síi cuchumán rá ni'yaj man Jesucristó man chuman' Tesalónica ro',

*quiran' nij so' sayuun, qui'yaj nij síí ne amán rá ni'yaj
man Jesucristó mān chiháán nij so' a*

¹³ Niganj nago' nuj graciá rihaan Diose che'é soj ei. Dan me se gaa cuno soj se-naná Diose nana ca'mii natáj nuj rihaan soj, nē ne cataj soj se vaa se-naná yuviiun me nana yo' ma'. Ya cataj soj se vaa se-naná Diose me nana nata' nuj, nē veé ya se-naná Diose me yo' adonj. Nē nuu sa' nimán soj, 'yaj nana yo', che'é se cuchumán rá soj cuno soj nana yo' ei. ¹⁴ 'Q se ase vaa quiran' nij síí noco' man Diose síí mān estadó Judea ro', dānj quiran' uún soj, che'é se sij noco' man Jesucristó me taran' soj, tinuj, nocoj. Dan me se quiran' nij síí mān estadó Judea sayuun, qui'yaj nij yuvii israelitá síí mān chiháán nij so!, nē quiran' uún soj sayuun, qui'yaj nij síí mān chiháán soj ei. ¹⁵ Nē xā' nij síí israelitá yo', tzaj nē nij so' me síí ticavi' man Jesucristó sij 'nij ra'a man ní' do', man nij síí nata' se-naná Diose gaa naá do', nē veé uún nij so' canoco' ndo'o man nuj, guun rá nij so' go' nij so' man nuj uún nānj adonj. Nij ndo'o 'yaj nij so' ni'yaj Diose, nē taj ri'yunj nij so' man cunudānj yuviiun adonj. ¹⁶ Dan me se me rá nuj nata' nuj se-naná Diose rihaan soj sij yaníj che'é yan quinanii soj rihaan sayuun, tzaj nē aráán ndo'o nij síí israelitá yo' chrej rihaan nuj, nē guun nocoo uxrá cacun' quitaj xráá nij so' nu' cavii nu' ca'anj, nē che'é dan yo'ca'maan rá Diose ni'yaj Diose man nij so!, nē yuun che'é quiran' nij so' sayuun, qui'yaj Diose ei.

Nana nihánj taj xna'anj se vaa me ndo'o rá síí cu'naj Pabló quene'en so' man nij síí cuchumán

*rá ni'yaj man Jesucristó mān chuman' cu'naj
Tosalónica a*

¹⁷ Xaq' yaj me se guun gān' ya nūj doj rihaan chiháán soj doj güii nihánj, tzaj ne 'o nuû rá nūj man soj, ne che'é dan me ndo'o rá nūj quene'en yucuan' nūj man soj, ¹⁸ ne che'é dan guun rá nūj cuchi' nūj rihaan soj, ne xaq' 'unj sij cu'naj Pabló me se guun que'ee ndo'o me raj cuchij rej mān soj, tzaj ne caráán Satanás chrej rihaan nūj cuchi' nūj rihaan soj ei. ¹⁹ Dan me se asaq' ca'na' uún Jesucristó rihaan chumij nihánj ne guun niha' uxrá rá nūj che'é soj, ne nata' nūj rihaan Jesucristó se vaa ve'é canoco' soj man so' qui'yaj nūj, ne cavii sa' nūj rihaan so' che'é soj ei. Taj vaj yo'ó yuvij 'yaj danj a ma'. 'Q se orún' ya soj me síí 'yaj danj ei. ²⁰ 'Q se soj me síí qui'yaj cavii sa' nūj, ne soj me síí qui'yaj guun niha' rá nūj adonj.

3

*Nanq nihánj taj xna'anj se vaa cataj xna'anj
síí cu'naj Timoteo rihaan Pabló se vaa sa' uxrá
cuchumán rá nij síí mān chuman' Tosalónica ni'yaj
nij so' man Jesucristó a*

¹ Che'é dan ne ca'vej uxrá rá nūj canaq raan taran' nūj chuman' nihánj a ma'. Che'é dan cavii raan nūj se vaa vij ran' guee rój me síí quinaj chuman' Atenas nihánj, ² ne dan me se ca'néé nūj man tinú' Timoteo cuchi' so' rej mān soj a. Dan me se so' me síí 'yaj suun ndo'o rihaan Diosaq gā nūj suun nata' se-nanq Jesucristó nanq sa', ne me rá nūj rācuíj so' man soj, narque so' chrej nucuaj man soj, ne raan doj canoco' soj man Jesucristó, qui'yaj so', ³ ne a 'ó

tuví' soj sē quirí'íj tucuáán nocó' soj che'é sayuun qui'yaj yuvíj man soj, rá núj q̄ ma'. 'Q se ne'en soj se vaa nō xcúún ní' quiran' ní' sayuun rihaan chumíj nihánj, ⁴ nē gāa cayáán núj q̄ soj, nē cataj ya núj rihaan soj se vaa xraj, nē quiran' ní' sayuun, nē ne'en soj se vaa ya quiran' ní' sayuun niha'. ⁵ Che'é se me uxrá rá 'unj quene'en 'unj daj quiran' soj, nē che'é dan ca'néé 'unj man Timoteo cuchi' so' rej man soj, nē cataj xna'anj so' rihanj daj 'yaj soj nocó' soj man Diose, raj a. Dan me se quinano rá 'unj sese aj caxríg síi chree chrej chi'íj rque soj do', sese quirí' nū' suun qui'yaj suun núj che'é soj do', raj a.

⁶ Dan me se canicaj uún Timoteo namán so' rihaan núj, nē cataj xna'anj so' se vaa ve'é uxrá amán rá soj ni'yaj soj man Jesucristó, nē 'ee rá soj tinúú soj, taj so', nē niganj ve'é nuú rá soj man núj, taj so', nē ase vaa me rá núj quene'en núj man soj ro', danj vaa rá soj me rá soj quene'en soj man núj, taj so', nē guun niha' ndo'o rá núj gāa cuno núj se-nana so' adonj. ⁷ Dan me se quiran' ndo'o núj sayuun gāa rque gāa qui'yaj suun núj yan cuchumān rá soj ni'yaj soj Diose, tzaj nē cuano nihánj me guun niha' uxrá rá núj che'é rej nata' Timoteo che'é soj rihaan núj, tinuj, nocoj. ⁸ Dan me se che'é se raan nocó' soj man síi 'nij ra'a man ní', che'é dan vaa che'é gāa niha' rá núj qui'yaj suun núj rihaan chumíj nihánj adonj. ⁹ Dan me se guun niha' uxrá rá núj rihaan Diose che'é soj, nē che'é dan nō xcúún núj nago' ndo'o núj graciá rihaan Diose che'é soj, ¹⁰ nē nuvíj nigān' cachinj ni'yaj núj rihaan Diose se vaa ca'vej Diose

quene'en nuj man soj, ne sese ataa nari' soj nu' tucuáán nocø' ni', ne me rá nuj narque nuj doj chrej sa' man soj, ne sa' doj canoco' soj Diose nañ adonj.

Nana nihánj taj xna'anj se vaa cunuu 'ee rá ní man cunudanj yuvii a

¹¹ Me rá nuj räcuíj ma'an Rej ní' Diose räcuíj Jesucristó sij 'nij ra'a man ní' räcuíj man nuj cuchi' nuj rihaan soj, ¹² ne ase vaa 'ee rá nuj man soj ro', danj gaa cunuu 'ee ndo'o rá soj ni'yaj soj tinúú soj do', cunudanj yuvii do', qui'yaj síi 'nij ra'a man ní', rá nuj a. ¹³ Ndæa síj, gaa ne yo'ø cunuu sa' nimán soj rihaan Rej ní' Diose gaa güii ca'na' uún Jesucristó sij 'nij ra'a man ní' rihaan chumii nihánj gaa cunudanj nij se-mozó so' síi guee, ne a 'ó cacun' se tumé soj vaa gaa man adonj.

4

Nana nihánj taj xna'anj daj qui'yaj ní, ne ve'é cuman ní' ga nij tinúú ní' a

¹ Yaj me se che'ë se sij aj noco' man síi 'nij ra'a man ní' me nu' ní' ro', che'ë dan cuano nihánj me cataj xna'anj nuj rihaan soj se vaa doj a canoco' soj nu' tucuáán nocø' soj tucuáán cuchruj nuj rihaan soj gaa cataj nuj daj qui'yaj soj gaa mán soj rihaan chumii nihánj gaa ne gaa nihä' rá Diose ni'yaj Diose man soj, tinuj, nocoj. ² 'O se aj ne'en soj se vaa vaa doj nanä cataj xna'anj nuj rihaan soj che'ë Jesucristó sij 'nij ra'a man ní' nañj á. ³ 'O se nihánj me se vaa me rá Diose qui'yaj soj, ne dan me se me rá Diose guun soj síi sa' rihaan so', ne na'vej rá Diose cotoj nij snó'o ga náá guun chanä

ma'. ⁴ Maqan se ve'é qui'yaj 'o 'o snó'o, nano' so' orún' chanaq xcaj so', nē ve'é qui'yaj snó'o rihaan Diose, nē ve'é qui'yaj so' rihaan chanaq uún a. ⁵ Dan me se se guun canoco' soj tucuáán nocó' nij yuvii ne ne'en man Diose ma'. Maqan che'é se ve'é vaa chanaq rihaan nij so', nē uun rá nij so' xcaj nij so' man chanaq, tzaj nē ne acaj nij so' cuentá daj qui'yaj nij so' taj ya'anj nij so' man chanaq ma'.

⁶ Sese cuno soj nanq nihánj, nē se guun soj síi tiha' yu'unj man tinúú ní' che'é chanaq ma'. 'O se aj cataj ya nuj rihaan soj se vaa qui'yaj síi 'nij ra'a man ní' sayuun man yuvii tiha' yu'unj man tinúú nanj adonj. ⁷ Nuveé che'é se me rá Diose qui'yaj ní' cacun' me canacúún Diose man ní' ma'. Canacúún Diose man ní', tzaj nē che'é rej cunu sa' nimán ní' rihaan Diose me canacúún Diose man ní' adonj. ⁸ Che'é dan xcaj soj cuentá se vaa síi ri'íj yaníj man nanq nihánj ro', nuveé se-nanq yuvii me ri'íj yaníj so' ma'. Se-nanq Diose síi rqué Nimán cunu nimán ní' me nanq ri'íj so' nanq adonj.

⁹ Dan me se taj che'é cachron 'unj nanq rihaan yanj cartá nihánj cataj xna'anj 'unj rihaan soj se vaa no xcuún soj gaa 'ee rá soj man tinúú soj ma'. 'O se ma'qan Diose me síi tucu'yón man soj se vaa qui'yaj soj dānj adonj. ¹⁰ 'O se dānj inānj 'yaj ya soj nuu 'ee rá soj man nū' nij tinúú ní' síi man estadó Macedonia, tzaj nē inānj me rá nuj narqué nuj chrej man soj se vaa doj a cunu 'ee rá soj man tinúú ní', tinuj, nocoj. ¹¹ Nē guun rá soj gaa dínj cumaq soj, nē se tiguíj soj man soj rihaan se-suqun tinúú soj ma'. Maqan se ndaq se-suqun 'o 'o soj qui'yaj suun soj á. Dānj inānj vaa chrej narqué nuj rihaan soj asij rque á. ¹² Sese dānj qui'yaj soj,

ne nij síí ne amán rá ni'yaj man Jesucristó ro', cataj nij so' se vaa ve'é 'yaj soj ei. Né se cacheen q̄ doj rasuun man soj ma'. 'Q se ma'an soj nano rej cavii rasuun achiin man soj adonj.

Nanq nihánj taj xna'anj daj quiran' ní' asa' quisíj güii ca'na' uún Jesucristó rihaan chumij nihánj a

¹³ Me rá nuj quene'en soj daj quiran' nij tinúú ní' nij síí noco' man Jesucristó nij síí cavi', tinuj, nocoj. Né se quinanó rá soj che'é tinúú ní' síí cavi' ma'. Dan me se nij síí ne amán rá ni'yaj man Diose ro', nano ndo'o rá nij so' che'é tuvi' nij so' síí cavi' che'é se taj se qui'yá' cavii sa' tuvi' nij so', rá nij so' a. ¹⁴ Tzaj né cuchumán ya rá ní' se vaa cavi' Jesucristó, né cunuu i'na' uún so', qui'yaj Diose, né che'é dan ne'en ní' se vaa xa' nij tinúú ní' síí cavi', tzaj né che'é se cavi' Jesucristó che'é nij so' ro', che'é dan cunuu i'na' uún nij so', né ca'na' uún nij so' ga so', qui'yaj Diose adonj.

¹⁵ Nihánj me nanq cataj xna'anj ma'an síí 'nij ra'a man ní' rihaan nuj, né dan me se asa' quisíj güii ca'na' uún síí 'nij ra'a man ní' rihaan chumij nihánj, né ní' sij gaa i'na' rihaan chumij nihánj ro', se quitáá yaqan ní' rihaan nij síí cavi' ma'. ¹⁶ 'Q se caguaj ma'an síí 'nij ra'a man ní' gaa cavii so' rej xta' nanij so' rihaan chumij nihánj, né caguaj nij se-mozó Diose nij síí uun chij doj, né ca'yánj se-mozó Diose xrúún Diose chruun a'yánj, gaa né nij tinúú ní' nij síí canoco' man Jesucristó nij síí cavi' me se asino nij so' cunuu i'na' a. ¹⁷ Né sese gaa i'na' ní' cayáán ní' rihaan chumij nihánj, né nacaj nij se-mozó Diose man ní', né cavii ní' rej xta' raq ngaa ga nij síí cunuu i'na' uún, né nari' tuvi' ní'

ga síí 'nij ra'a man ní' rej xta', gaa ne cayáán ní' ga
síí 'nij ra'a man ní' nu' cavii nu' ca'anj nañj adonj.
18 Nihánj me nanaq cataj xna'anj soj rihaan tinúú
soj, ne nariq nucuaj nimán 'o 'o soj, qui'yaj nanaq
nihánj ei.

5

*Nana nihánj taj xna'anj se vaa xcaj ní' cuentá daj
qui'yaj ní' ndaa se quisij güii ca'nq uún Jesucristó a*

1 Taj che'é cachron núj nanaq rihaan yanj cartá
nihánj cataj xna'anj núj rihaan soj me güii ca'nq'
uún Jesucristó, man tinuj, man nocoj. 2 'Q se aj
ne'en ya soj se vaa ase vaa ne ne'en ní' me güii
catuú síí ituú qui'yaj ituú so' ro', danj vaa ne ne'en
ní' me güii ca'nq' uún síí 'nij ra'a man ní' rihaan
chumijq nihánj a ma'. 3 Dan me se vaa güii cataj
yuvij: "Yaj me se dínj vaa rihaan chumij, ne taj
che'é cuchu'vi' ní' ma'", cataj nij yuvij a. 'Q se güii
yo' me taj ni'yón ase vaa ran' chanq cuchruj ne'ej
ro', danj gaq quiranq ndo'o nij yuvij sayuun, ne se
quinanii nij so' ma'. 'Q se yuun che'ë cutunaq nij so'
nañj adonj.

4 Xaq' soj, tzaj ne nuveé sij chéé rej rmij' ne acaj
cuentá me soj, man tinuj, man nocoj. 'Q se güii
ca'nq' uún Jesucristó me se taj che'é cuchu'vi' soj
ndaa vaa chu'vi' nij síí ne'en man síí ituú ma'.

5 Ino vaa soj rihaan nij síí ne amán rá ni'yaj man
Jesucristó ei. Dan me se xaq' soj, tzaj ne sij chéé
rangaq man naán güii me soj, ne sij acaj sa'
cuentá me soj uún, ne nuveé sij chéé rej rmij' do', rej nij
do', me soj ma'. 'Q se sij chéé rej rangaq me soj
ei. 6 Che'é dan se guun guun ní' síí otoj ndaa' rá se

vaa 'yaj ta'aj nii ma'. 'Q se vaa che'é nij'yaj ranga' rlij rihaan ní' ei. S̄e canoco' ní' tucuáán nocó' yo'ó nij yuvij mei. Tananj yo'o gaa yu've ní', ne se gaa xno ní' mei. ⁷ Dan me se nij síi mān rihaan chumij nihánj ro', síi vaj rej rmij' me nij so', ne taj se 'yá' xcaj nij so' cuentá ma'. Che'é dan ase vaa 'o síi otoj nu' do', ase vaa síi xno do', vaa nij so', ne ne'en nij so' daj 'yaj nij so' a ma'. ⁸ Xa' ní', tzaj ne sij vaj rej ranga' me ní', ne acaj ní' cuentá daj qui'yaj ní' nanj á. Dan me se yo'o gaa nucuaj rá ní' man síi 'nij ra'a man ní', ne gaa 'ee rá ní' man tinúú ní', ne ase vaa aráán rihaan nimán tanuu 'yaj aga' no rucuaj tanuu ro', danj gaa cáráán rihaan nimán ní' a. Ne guun ya rá ní' se vaa ya cavij sa' ní', ne ase vaa avii sa' tanuu 'yaj aga' nuu raq tanuu ro', danj gaa cavij sa' ní' che'é se guun ya rá ní' se vaa cavij sa' ní' a.

⁹ Nuveé che'ē se me rá Diose caxrij yuvaq Diose man ní' me cataj Diose se vaa canoco' ní' man so' ma'. 'Q se cataj Diose danj che'é se me rá Diose quinanij ní' rihaan sayuun ne cavij sa' ní' che'é Jesucristó sij 'nij ra'a man ní' adonj. ¹⁰ Ne Jesucristó me síi cavij che'é ní', ne che'é dan ca'vee se cavij ní', ca'vee se gaa i'na' ní', tzaj ne cayáán rcua'aqan cunudanj ní' gaa so' adonj. ¹¹ Che'é dan ase vaa 'yaj soj cuano ro', danj inanj qui'yaj soj, raj a. Dan me se nago' soj nanq sa' man tinúú soj, nari' nucuaj nimán tinúú soj, ne räcuíj soj man tinúú soj yan sa' doj canoco' nij tinuj nij soj man Diose á.

Nanq nihánj taj xna'anj se vaa nago' Pabló chrej man nu' nij síi nocó' Diose a

¹² Cuanq nihánj me cataj xna'anj nuj rihaan soj se vaa caraq cochroj soj rihaan nij síi uun chij

rihaan soj, tinuj, nocoj. Dan me se nij so' ro', me síí nicaj yu'unj man soj rihaan síí 'nij ra'a man ní', ne narqué nij so' chrej sa' man soj, ¹³ ne 'yaj suun ndo'o nij so' che'é soj, ne che'é dan gaa 'ee rá soj man nij so', ne caraa cochroj soj rihaan nij so' á. Ne ve'é cuman soj ga tinúú soj á. ¹⁴ Ne cuano nihánj me cataj xna'anj nuj rihaan soj se vaa nago' soj chrej nucuaj man nij síí rmii se vaa qui'yaj suun nij so', tinuj, nocoj. Sese vaa 'o síí chu'vi' nimán, ne ca'mii soj nanaq sa' rihaan so', ne nari' nucuaj nimán so', qui'yaj soj á. Raciúj soj man nij yuvij ninaj, ne gaa inaj nimán soj ni'yaj soj man cunudanj yuvij á. Se guun ca'maan ra'yajan rá soj ma!. ¹⁵ Tumé soj man soj se guun qui'yaj chi'ii yo'o tuvi' soj man síí 'yaj chi'ii man soj ma!. Maan se inanj suun sa' qui'yaj suun soj che'é tuvi' soj do', che'é cunudanj yuvij do' á.

¹⁶ Niganj gaa niha' rá soj, ¹⁷ ne se ca'ne' rá soj ga suun achíín ni'yaj rihaan Diose mei. ¹⁸ Ne ca'vee se me ma'an sayuun quiran' soj, tzaj ne yo'o nago' soj graciá rihaan Diose á. Danj me rá Diose qui'yaj soj che'é se sij nocó' man Jesucristó me soj adonj.

¹⁹ Se guun caráán soj chrej rihaan Nimán Diose tucu'yón Nimán Diose nanaq sa' man soj ma!. ²⁰ Se quiri'íj yaníj soj man nanaq cataj xna'anj naca Nimán Diose rihaan soj ma!. ²¹ Tzaj ne xcaj soj cuentá daj vaa 'o 'o nanaq cuno soj, gaa ne quene'en soj sese ya nanaq ca'mii Nimán Diose me yo', ne sa' cunuú rá soj nu' nanaq sa' yo' á. ²² Ne a 'ó se nij se ca'vej rá soj qui'yaj soj ma!. ²³ Diose ro', me síí naqui'yaj xej nimán ní', ne me rá nuj cunuú sa' inanj nimán soj rihaan so', qui'yaj ma'an so', ne

me rá nuj tumé Diose man ma'qan soj ndaa se quisij güii ca'nq' uún Jesucristó sij 'nij ra'a man ní' rihaan chumij nihánj, ne dan me se me rá nuj tumé Diose man nimán soj do', man nee man soj do', ne a 'ó cacun' se tumé soj a mei. ²⁴ Dan me se Diose me síí nacúún man soj canoco' soj man so', ne vaa che'é gaa nucuaj rá soj man so' se vaa tumé so' man soj adonj.

²⁵ Ne cachinj ni'yaj soj rihaan Diose che'é nuj, tinuj, nocoj.

²⁶ Asaq' nari' tuvi' soj qa tinúú ní' síí noco' man Diose, ne ve'é ca'mii soj qa nij so', ne go' soj 'o xto man nij so' rihaan Diose ei. ²⁷ Maqan che'é se síí'nij ra'a man ní' rqué suun manj, che'é dan me no xcúnj cataj xna'anj 'unj rihaan soj se vaa nayaqa soj yanj cartá nihánj rihaan cunudanj nij tinúú ní' síí noco' man Diose ei. ²⁸ Ne me rá nuj qui'yaj ndo'o Jesucristó sij 'nij ra'a man ní' se luq' che'é soj adonj.

Se-nānā Diosē nanā sā' me rá catūū nimán ní'
a
**New Testament in Triqui, Copala (MX:trc:Triqui,
Copala)**

copyright © 1987 Wycliffe Bible Translators, Inc.

Language: Triqui, Copala

Translation by: Wycliffe Bible Translators, Inc.

Triqui, Copala [trc], Mexico

Copyright Information

© 1987, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Triqui, Copala

© 1987, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
3a8f2838-fe9f-5490-8d78-a7bbffddab871